

欽定剿平三省邪匪方略

欽定剿平三省邪匪方略正編卷三百十九

壬戌年

五月二十五日

甲午

慶成奏言查魏張兩股餘匪

疊經痛殲所剩不過一百七十八人

臣

督令兵

勇窮追未予稍暇該匪狼狽萬狀分五六起散

奔紫柏山站巴林一帶老林該處山高徑仄

步艱險將弁兵勇裹帶乾糧分投入林探捕陰

雨連朝溪澗泛漲兵勇冒雨攀援前進並不停

息或尋賊蹤捕捉或乘夜潛往掩殺據各將備
陸續斬獲送到耳記四十一副活賊黃貴等三
十一名殘匪見兵勇搜捕緊急紛紛逃散身藏
短小器械衣帽無異民人驟難辨別日伏深箐
夜出呼哨聚集掠食有奉

旨卽以千總用之齊慎外委徐步雲等帶領兵勇令
所獲之賊引路尋至石峽子老林內見木廠一

處有賊二十餘人在彼炊爨該弁等一擁突入
賊不及防立斃賊匪八九名捉獲十一名僅有
三賊繞林逃脫引路之賊於獲賊內認出僞先
鋒伍金華一名詢係伍金柱之弟伍逆殲斃後
投入魏張夥內充爲先鋒該匪懇求願隨捕捉
餘匪並稱曾遇康元帥卽康二麻子要繞向甘
肅地方隨帶手下五六十人夜間西去其餘俱

各分開向密箐內藏匿夜間出林搶掠等語該
弁等一得康逆之信卽帶同該匪等不分晝夜
冒雨跋涉前追趕至畧徽交界之曹家山老林
詢問寨洞民人昨日有數十人過去雖行徑張
皇並未傷人聲言鄉勇搜賊適有革鎮胡定泰
帶兵在該處附近林邊堵截探明實係殘匪在
林內藏匿胡定泰與都司玉林帶兵扼住山梁

齊慎徐步雲率領兵勇分兩路搜進果有賊匪
數十人在巖坎避雨兵勇突然衝上匪眾慙不
畏死竟敢憑高齊力下壓戳倒兵勇三四人克
悍異常齊慎等持矛首先率領兵勇衝殺短刃
相接立斃賊匪十餘名餘匪力不能支隨即敗
退伍金華告知此是康逆夥賊其死賊內身材
長大頭有傷痕者是偽總兵張昌元該弁等緊

跟追殺並令引路之賊招呼衆賊投出免死賊
中有數十人棄械來投見一賊攔罵要死在一
處齊慎徐步雲等料係康二麻子乘其衆心渙
散之際一擁衝上匪衆亂奔康二麻子情急自
用矛頭反戳齊慎上前拿獲所傷不重其餘毛
澄等一十二賊俱同時就獲又於林箐內捕獲
趙應珍等七賊臣訊據康二麻子據供本名學

孟湖，襄陽縣人。嘉慶元年，與張添倫、楊開甲、魏洪升、顏中考同在一夥。楊開甲、張添倫被官兵殺死後，我同張喜、魏洪升三人管事。本年二月間，因川地難找糧食，安過陝西丁佳蘭們先帶一股行走。我們後帶六百餘人都到陝西。這幾次被官兵打散，張喜已被捉去，顏中考鑽林。遇見官兵搜山，有同行吳道全眼見他跳崖跌

死探馬頭劉楊兩裁縫因陝西官兵截殺緊急
又帶一百零三人回川我與魏洪升各帶一百
餘人約在秦領會合魏洪升先迴棧東被擊我
想繞躲官兵由西北過去不料繞到甘省邊界
老林內就有官兵跟追殺來現被擊住我六七
年來殺過人數走過地方不能詳記惟嘉慶四
年臘月間我與楊張大股由川入陝行至沔縣

地方遇官兵打仗曾用矛戳死一個戴紅頂花翎的將官後來聽說是姓韓等供查康二麻子充當僞元帥多年爲楚匪主謀之人前獲楊魏張等逆訊及康逆情形與該犯自供俱甚脗合實屬罪大惡極且有戕害副將韓加業一節尤令人痛恨臣審明後卽將康二麻子押出老林在留鳳大道齣示衆所有搜獲各賊除伍金

華尚知悔罪現隨兵勇搜捕効力其餘盡係各
股漏網戰手一概正法魏張兩股除魏張康三
逆生擒正法外顏中考滾崖跌斃現剩殘匪僅
二三十人連日續獲零賊卒皆蓬頭垢面形同
死囚防兵寨民俱能緝捕不值多兵守候搜剿
隨酌留將弁兵勇同附近寨洞民人躡探嚴緝
不使稍留餘孽臣現帶兵勇移出留鳳之間探

聽何路賊蹤相近卽帶兵馳往剿辦奏入

上命軍機大臣傳諭慶成曰此股張魏餘匪經前次痛剿後分五六起散竄紫柏山一帶老林慶成督率千總齊慎外委徐步雲等帶領兵勇裹糧入林冒雨前進斬獲多名並經拏獲之僞先鋒伍金華引路指認官兵奮力剿殺生擒康二麻子殲斃僞總兵張昌元等並據獲賊供稱顏中考亦已跳巖

跌死是張魏前後兩股賊匪經慶成節次剿捕已
斬戮殆盡現剩渙散逃匿零匪不難一律肅清慶
成著加恩仍賞給太子太保銜並喜字玉搬指一
個玉帶鈎一個黃辦大荷包一對小荷包四個干
總齊慎外委徐步雲不避險阻冒雨追趕並身先
兵勇將該逆擒獲實屬可嘉齊慎著以守備陞用
徐步雲著以千總拔補又發去洋磁昇烟盒二個

花磁鼻烟壺五個堪廷罕搬指料四個花磁搬指
四個一兩重銀牌一百面五錢重銀牌一百面著
慶成分賞出力弁兵用示獎勵至伍金華係首逆
伍金柱之弟從賊日久罪在不赦但經搜獲之後
懇求願隨捕捉餘匪遂在前指引官兵得以跟蹤
追殺將康二麻子等生致尙有悔罪自効之心伍
金華如願入伍卽著慶成賞給一分錢糧派交齊

慎徐步雲二人管束並傳知伍金華嗣後倘續有出力之處尙當予以官職仍密加防範如伍金華仍思逃竄及有滋事之處卽行正法再出示曉諭餘匪以伍金華係官兵擒獲本應立正刑誅之犯因其自知悛改隨營搜捕著有微勞尙加寬宥給與軍糧爾等如能及早棄械投誠或將賊股中首夥設法擒獻不獨寬其一綫並可冀得官職如此

剴切宣諭使賊黨聞風解散可冀漸次投出亦搜捕餘匪之一法再康二麻子充當偽元帥多年爲楚匪之謀之人且曾經戕害副將韓加業實堪痛恨著將該犯首級送交韓加業之母告知此係戕害伊子之賊業經擒獲臠割示衆可將該犯首級卽在雙烈祠設祭以慰忠魂此時慶成帶領兵勇移出留鳳之間卽應在邊境一帶駐紮既可東防

苟逆並可南扼陳李二裁縫宮陝之路總之不論
何股竄近卽相機截擊而苟逆一股尤爲緊要現
經經畧等督兵搜捕勢極窮蹙指日必當轟出山
外易於鋌走更當加意嚴防勿稍疎懈

二十七日

丙申

額勒登保奏言查苟逆率領數黨

由南漢竄入苟家溝扎克塔爾格布舍由西面
之廊溝石板溝進剿副將張廷楷叅將吳享衍

等由北面之高橋柳林溝進剿

臣

親率副將王

兆夢遊擊劉健標等由苟家溝小北溝顧住東

面而進該匪聞風復由苟家溝匿入山林該處

山勢險峻並無路徑官兵等攀援進攻行抵半

山該匪於山上望見卽於大雨中翻越老林折

向傅家河磨子溝一帶逃遁扎克塔爾等率兵

追至傅家河口斬獲二十餘人餘匪翻山亂竄

臣以賊匪現已分竅逃遁深山密林中人數愈少其蹤跡愈形飄忽若徒以大隊官兵跟追實屬徒勞無益扎克塔爾格布舍等已帶兵由兩河菜子坪一帶追剿當卽知會扎克塔爾等挑出精勁弁兵鄉勇八百餘名令副將張瑗遊擊李東宣帶領爲一路臣所帶官兵內除令副將張廷楷叅將吳亨衍帶出精勁兵勇千餘名目

爲一路已由秋木菴碾道迎擊外又於本營挑
出奮勇弁兵三百餘名令遊擊黎炳守備丁永
安馬起龍等帶領亦爲一路均令不帶鍋帳徒
步入林無論賊竄何方均各不避艱險竭力剿

殺

臣

並將所派官弁兵勇優加獎勸定以賞格

責令旬日之內務卽得手各官弁兵勇等僉欲
立功邀賞均各踴躍前進現探得苟逆四五百

人由光頭山竄入天牢地牢復由該處竄往秦嶺一帶張廷楷張瑗黎炳等已各帶兵勇分路探蹤而進至楊遇春李應貴等連日帶兵由小王澗一帶追剿賊目張二張三宋李等逆嗣該匪被剿窮感宋李二逆又復分夥帶領一百餘人由火地翻秦嶺向北面何家山奔逃楊遇春派派抽兵勇六百餘人令遊擊劉元明等帶

領追剿於十三日至金牛坪接仗殺斃十餘人
賊匪由金峪腦竄往太平峪該路兵勇已由高
關趕夾嶺一帶抄截其張二張三一股亦有二
三百人竄往黑圪塔虎豹河一帶西遁楊芳帶
兵緊躡追剿其餘尚有零匪一百餘人竄往寧
陝鎮安交界之栗札坪林內臣派令遊擊林榮
協同鎮安遊擊馬世勳帶兵剿捕此外並有剿

散零匪或數十人或數人不等於附近山林內

晝伏夜出

臣

派令弁兵分路剿捕先後縛送何

四海向正邦等十六名來營訊據供稱賊匪因

各路官兵剿殺不敢出林商量分夥在山內藏

躲現在苟文明與先鋒靳士貴王世貴等在一

路張二張三在一路宋李二人又在一路張二

叫張士雲張三叫張士熊等守隘於訊問後即將

各犯概行正法訖伏念臣自入山剿辦以來兵

勇等陟險歷艱倍常勞若其帶兵各負自楊遇

春扎克塔爾格布舍以及鎮將備弁等無不棄

馬步行刻無停趾而賊匪總未能痛加殲洗實

無以仰對

聖明不禁愧悚交集臣因老林之內兵力難施亦極

思將該匪驅逐出林易於爲力是以數月以來

總係顧住方向向老林外轟逼該匪因兵威震
懾又無馬騾自料竄出之後大軍併力窮追卽
無生路是以心懷疑懼甫被轟出旋又折入

臣

現已知會楊遇春扎克塔爾等各於要隘劄營
所有銅帳馬匹悉行存留督飭兵勇深入山林
窮賊所向或白晝尋蹤剿殺或乘夜相機掩擊
以期斬獲渠魁掃除餘黨倘該匪於林內不能

存住向各要隘繞向他趨則存營官兵以逸待
勞俟其出林稍遠併力追剿自斷不致蔓延惟
不能聚而殲旃尙恐非一兩旬所能淨盡臣查

樊會一股聞有分竄洵陽白河邊界者穆克登
布帶兵赴平利會同喜明探蹤截剿臣刻因苟

逆尙未掃蕩未能統師前往心急如焚現在兵
力有盈無絀擬將湖南湖北官兵卽行撤出令

原帶將備帶赴平利一帶交穆克登布接管先行整頓如遇賊匪竄近卽與楚境官兵併力截殺臣俟各路兵勇於一兩旬之內或將苟逆痛

加剿殺或得獲一二首逆臣卽當酌量情形將

此間殘匪交派鎮將帶兵搜捕臣卽親赴平利

一帶以便令穆克登布帶領官兵入楚協剿臣

卽於該一帶扼要駐劄庶楚境賊匪得以迅速

蒧功而臣於陝楚兩省皆有兼顧於剿辦較爲

有裨再查江南壽春鎮遊擊蒲佑盛連年於川
省軍營帶兵剿賊打仗奮勇著有勤勞昨因乘
夜進兵昏黑中徒步行走誤被馬踢受傷甚重
於四月二十八日身故合併陳明

同日陸有仁奏言連日復據探報荷逆股匪經
官兵節次剿殺現已不敢拒敵惟分股零星奔

竄一股由寧陝傅家河竄入金雞梁一股由裏
槽老林竄入菜子坪向光頭山火地裏一帶奔
匿楊遇春扎克塔爾楊芳等分頭緊躡搜捕屢
有斬獲經畧額勒登保自八里坪馳至寧陝江
口居中截擊又有賊營分出零匪翻山攻撲盩
厔縣之天心小寨經通判雒昂率勇截剿賊
數名散出被裹難民數人賊卽向老林逃避又

有分股之賊二三百人由寧陝竄入鎮安栗札
坪現經遊擊馬世勳知縣胡彬分帶兵勇堵剿
又棧西殘匪經慶成派兵擒獲賊目康二麻子
等其餘零匪數十人由倉子壩竄至寧羌黃壩
壩官兵跟蹤追截又楚省竹山賊匪一股現在
蛟龍觀一帶游奕逼近白河縣屬之東西壩臣
業經飛飭署知縣黃袞鼓勵鄉勇嚴密堵禦並

因江西省補解陝米六千餘石日內將抵白河
其續撥湖南省協濟之糧頭批二萬石亦已備
過襄陽計日可抵陝境而自白河至興安沿江
一帶向無防兵臣復札飭地方官多募鄉勇於

江岸分投護送至山內官兵分路進剿其兵糧
一項前經到處起運各寨堡均屬充盈本月初
旬山中大雨連朝溪澗暴漲幸隨營糧員及各

地方官於各路存糧之處將口袋內米數改輕
並加價僱募背夫翻山覓路隨地設法趕運俾
得均資飽食近已晴霽旬餘兵勇馳騁便捷而
賊勢實已凋殘自更易於掃蕩再慶成一路前
此擒獲首逆魏洪升並賊目張喜等欽奉

諭旨令

臣

查明滿漢出力弁勇奏請鼓勵又穆克登
布一路在紫陽平利一帶截剿各股零匪數月

來斬獲多人兵丁內并有深入川境者尤爲奮

勇可嘉

臣

謹據實開單保奏候

旨施恩均奏入

上命軍機大臣傳諭額勒登保曰額勒登保奏荷逆
夥黨因官兵逼剿緊急復又翻越老林竄往秦嶺
一帶現在派兵分路進剿等語仍係敷衍塞責之
奏聞之殊爲煩懣有逆一股賊匪於上年十一月

內由四川廣元一帶竄入甘省經慶成截回川境
復越過陝境漢江皆由額勒登保將江岸防兵裁
撤不能先事預防是以將額勒登保降爲男爵並
降換單眼花翎自賊匪竄渡漢江後額勒登保又
未能奮勇攔截任其逸入南山至今尚在奔竄南
山老林爲賊匪往來熟徑額勒登保屢次報到或
稱親自入山徒步督剿或稱派令將弁分路驅逼

總未能一鼓殲淨卽每次摺內亦有擒斬數十人
十餘人之語諒不過傷病落後之賊未必皆兇悍
矛手且或卽係避賊難民亦未可定試思南山以
內如果盡係陡壁懸崖從無人跡則山內寨民又
豈能於此等地方栽種包穀賊從何處掠食且賊
匪可到之處卽我兵可到之處何至賊匪一經佔
踞我兵卽跬步不前看來額勒登保所云徒步剿

賊之言亦未必盡可信矣額勒登保前數次摺內
尙云一二旬內可以蕪事今隔越數旬杳無捷報
而本日摺內轉云非一二旬所能爭盡似此愈期
愈遠任意遷延勢必遲至秋冬成何事體况據摺
內稱現在兵力有盈無絀擬撤出湖南湖北官兵
帶赴平利紫陽一帶交穆克登布接管防堵是現
有之兵尙足以分撥防堵可見兵力儘屬敷餘卽

糧餉一項亦節據陸有仁奏到源源供運並無缺
乏兵多糧足尙復何所藉口乃擁兵株守與賊相
持竟至束手無策額勒登保前在軍營帶兵尙屬
奮勇且撫守亦好是以加恩授爲經畧至扎克塔

爾本係番目

皇考高宗純皇帝格外加恩留京供職擢至御前侍衛
經朕特派前往軍營之人前因其打仗出力授爲

譁軍統領現又專辦苟逆一股乃曠日持久並不
上緊設法搜剿老師糜餉之罪卽決亦不能爲伊
二人解免本應卽予革職治罪姑念平日尙知奮
勉額勒登保扎克塔爾俱著加恩暫予革職留任
以觀後效提督楊遇春現在追剿張二張三等逆
此係零星竄匪剿捕益易爲力尤當尅日辦竣卽
移師幫剿苟逆果能將苟逆協同剿淨自當一律

加恩現據陸有仁奏天氣業已晴霽旬餘額勒登保已分派官弁兵勇深入山林相機扼擊著勒限於六月內迅速辦竣卽不能將各賊目概行殄滅果能將苟逆殲擒捷音遞到不但將額勒登保扎克塔爾卽予開復並當優加懋賞晉爵酬勲若再延緩遲至七八月間尙未蕙事必將額勒登保扎克塔爾革職治罪卽楊遇春亦當一併治罪至苟

逆爲賊中兇狡首逆亟應設法殲擒著照從前搜捕徐添德高三馬五之例懸立賞格額勒登保卽出示遍諭軍營有能殲擒首逆苟文明者官員加二等超擢兵勇卽超補守備賞銀二千兩如賊隊中有自行縛獻者不但免其從逆之罪並加恩拔用千總賞銀一千兩其張二張三宋李等逆有能臨陣殲擒一名官員加一等陞擢兵勇卽拔補千

總賞銀一千兩如賊隊中有縛獻者免其治罪外
並加恩拔用把總賞銀五百兩如此通行曉諭在
官員兵勇固思奮勉立功卽賊匪聚黨聞知此信
亦必紛紛解體或能縛獻兇渠於剿捕甚有裨益
又據奏遊擊蒲佑盛打仗奮勇現因乘夜進兵被
馬踢傷身死著照軍營病故例賜卹

上又命軍機大臣傳諭陸有仁曰苟逆股匪前因額

勒登保等未能預爲防堵以致該逆乘間竄入南山迄今已及半載剿辦總未得手老師糜餉咎無可辭已降旨將額勒登保扎克塔爾革職留任勒限於六月內將苟逆股匪速行辦竣並著陸有仁隨時察訪額勒登保等於革職留任後是否各知愧懼奮勉立功或心生怨望竟不効力據實密奏但額勒登保等正當剿捕喫緊之際一切軍火糧

餉該撫務當設法源源供運毋令稍有缺乏爲要

同日

上諭內閣曰額勒登保將隨同慶成擒獲首逆魏洪
九並賊目張喜等出力員弁兵勇及穆克登布一
路弁勇開單保奏叅將張奉廷遊擊齊國珍著加
恩賞戴花翎都司張起鰲守備李如緒著加恩賞
戴花翎把總王義如外委王進忠陳平川鄉勇王

品頂戴周明李雲宋天鳳李學恒兵丁王貴朝羅
勇向光武普勇侯均著加恩賞戴藍翎以示鼓勵

二十八日丁酉勒保奏言臣探得巫山所屬犛牛

窖鐵廠灣等處竄來賊匪一股當卽飛飭副都

統達勒精阿武隆阿等就近帶兵迎擊臣一面

帶領總兵張績等一路官兵繼進探得該匪尙

在川楚交界之九灣子地方屯紮分出探路匪

夥五六十人已至隻保山達勒精阿武隆阿等
連夜帶兵前進十六日丑刻行至隻保山賊匪
正在草房內歇宿官兵四面圍住賊匪驚覺急
思奪路逃走用矛戳傷額外外委盧元何泳純
吳開成及鄉勇張彪等四人俱不甚重該弁等
率領鄉勇緊緊圍住並不少退達勒精阿武隆
阿等令兵勇將賊匪所住草房放火焚燒跳出

賊匪三人立時被兵擒住餘匪均在屋內焚斃
火熄後查點賊屍共五十二具訊據活賊張一
富等供稱係青號偽先鋒張萬年帶領矛手五
十餘人先來探路後起賊匪尙在九灣子與此
地相距十餘里等語達勒精阿武隆阿等恐後
起賊匪知覺逃逸卽帶兵由茅山嶺繞出樟木
埡抄道截擊辰刻行抵該處賊匪正在起窺見

有官兵追擊卽回原路逃奔達勒精阿武隆阿等從旁衝擊將賊匪截爲兩股後起賊二百餘人折竄北山當令副將鄭啟貴叅將蕭太和等分兵追捕其前起賊三四百人向教場壩陳家坡一路東竄達勒精阿武隆阿等親率官兵跟蹤緊躡沿途擒殺賊四五十名賊匪奔上陳家坡山梁恃險抗拒我兵奮力上攻鎗箭齊發斃

賊十餘名生擒三名餘匪向野猫岩大山逃去
我兵已入楚境四五十里天色向晚逆勒精阿
武隆阿等將兵撤回蓋河壩暫紮鄭啟貴蕭太
和等一路官兵亦將賊匪追至大水井沿途擒
殺頗多餘匪向長峯一路竄去當晚歸集兵勇
各營共交生擒賊匪一百一十九名耳記三十
七副賊旗鳥鎗刀矛騾馬牛隻甚多活賊內訊

出黃號僞總兵張大向青號探馬頭胡國祥牌頭蕭士龍何清等四名解送

臣

營聽候審辦其

餘戰手胡大興等五十二名送勒精阿武隆阿等訊明後卽就地正法被擄難民解交巫山縣查明遞籍釋放

臣

於十八日行抵巫山提訊張

大向等據供我係黃號龍紹周股內總兵去年八月間在陝西地方被官兵打散帶了四百多

人分路逃到興山遇見藍號冉先鋒井先鋒二人合夥今年四月間在興山拜佛坪分營後遇見青號熊總兵合營近日商量要同過四川不想被官兵殺來拏住那隻保山草房內燒死數十人是青號熊總兵差來探路的張先鋒叫張萬年帶領如今熊總兵大約又回湖北去了等語當卽將該犯及各匪分別正法被擄男婦飭

縣安爲贖送回籍臣查此起剿剩餘匪尙有三

四百人旣折回楚境本應跟蹤剿辦但此時楚

省賊匪惟樊人傑蒲添寶兩股賊數衆多係德

楞泰長齡等分投專辦之賊倘被剿急竄來必

致復擾川境未便因此起零匪牽綴兵力轉致

川省邊界空虛是以該副都統等所帶官兵仍

令回至川界嚴防但巫山大寧兩縣邊界南至

火峯界嶺北至二郎壩一碗泉道路綿長達勒
精阿武隆阿等一路官兵不敷策應是以臣現

將所帶官兵二千員名儘數交與張續管帶飭

令在巫山所屬之黃羅傘大昌八石坪界嶺一

帶往來哨探顧住巫山邊界達勒精阿武隆阿

一路飭令在大寧所屬之徐家壩后坪二郎壩

通城一帶往來哨探顧住大寧邊界並飭該鎮

將等無論有賊無賊總須帶兵常川會哨不得
駐定一處致有顧此失彼之虞卽有大股賊匪
竄入此兩路官兵共有四千餘名亦可併力合
擊如此各專責成於東路防堵可期嚴密至陝
省苟文明一股尙未辦淨該逆係川北起事之
賊恐剿急仍欲回川臣若久駐川東距廣南一
帶太遠陝省賊情不能隨時探聽得實是以臣

暫回夔城稍住數日倘楚匪無竄川之信卽仍
回東達一帶以便兼顧川北奏入

上命軍機大臣傳諭勒保曰此次青黃二號餘匪由
楚省竄入川境勒保飭令達勒精阿等帶兵迎擊
在隻保山及九灣子地方連次剿殺前後殲擒賊
匪二百餘名官兵追入楚境四五十里勒保因慮
及楚省樊蒲一二逆剿急西竄飭令達勒精阿等回

至巫山防守並添派張績在大寧一帶往來哨探
勒保暫回夔城稍住數日倘賊匪無竄川之信仍
向東達一帶兼顧川北皆應如此辦理楚省蒲添
寶大股賊匪經德楞泰痛剿三次狼狽奔逃分派
色爾滾等緊躡追擊現在德楞泰又移得勝之師
會同長齡等追剿樊逆該二逆被剿情急均難保
其不折入川境川省巫山大寧一帶與楚省交界

處所道路綿長勒保當飭令達勒精阿及張績等
兩路官兵往來游奕分段巡防設有竄至之賊務
須聯絡策應併力合擊與楚省追兵互相犄角總
期就地剿盡勿致蔓延至荷逆股匪經陝省官兵
轟逼出山亦恐闌入川境勒保回至東達一帶尤
當留心兼顧隨時嚴密防剿爲要

二十九日

戊戌

惠齡奏言近據探報荷文明賊匪

分股四竄忽東忽西總在秦嶺左右老林游奕

其竄至孝義境內一股三十餘人前經署同知

孫樹署都司張立功搜殺十餘人後該匪又折

向西奔十三日竄至清風崖適寧陝江口營遊

擊李英冬聞信派令守備趙思正把總黃玉明

帶兵前往搜剿鎗斃擊斃賊匪數名帶傷逃遁

者五六人餘賊鑽入老林潛匿該守備等現在

帶兵入林搜捕其竄至太平峪內一股約一百七八十人由化嶺灣東竄經提督楊遇春所派軍功張必祿劉彪等帶領鄉勇迎頭截剿撲入賊夥立斃賊匪三十餘人生擒十七名餘賊折回西南鏡兒溝逃遁又據寧陝同知張約鎮安縣知縣胡彬稟報苟逆分股之賊三百餘人向東奔逸經過居安寨聯珠硯被寨勇鎗礮擊斃

五名受傷而逃者十餘人餘匪卽由栗扎坪竄
至鎮安縣屬之正河地方經該令傳集寨勇施
放鎗礮擊被賊匪數名該匪仍折回乾岔河老
林西竄查苟逆夥匪狡猾異常當此窮蹙之後
多分股數東突西奔其意總在牽縲官兵不能
兼顧並使官兵不知首逆之所在得以乘隙遠
颺情形實堪痛恨經畧額勒登保探明該逆苟

文明帶同逆子苟朝九苟三皮子並男女共五百餘人總在磨子溝一帶老林輾轉藏匿額勒登保飭令扎克塔爾楊遇春楊芳等各分兵勇躡剿分股之賊所有大隊官兵專注該逆正股並挑出奮勇官兵數百人僅携乾糧不帶鍋帳馬匹步行入林扎克塔爾等亦均徒步督兵悉力搜殺不予稍暇該匪不能存立又翻過光頭

山竄入傅家河老林額勒登保刻已帶兵趕至
傅家河扎克塔爾由天牢地牢一帶翻山追擊
楊遇春由小玉潤安溝向東截剿楊芳亦由兩
河甘家礪扼要堵截數路官兵分投圍剿無難
卽就掃除至前次分竄田家河等處零匪一二
十人經遊擊朱集才跟蹤搜捕該匪黑夜偷出
老林假冒鄉勇至小河口地方向寨上覓食被

寨勇全數擒獲縛送城固縣審辦棧東一帶已
無零匪惟南山各峪內有節次官兵打散零星
之賊三五成群隨處逃避

臣

當卽派委文武員

弁分入各峪督率寨勇尋蹤躡緝茲據太平峪
委員未入流李枝瓊先後拏獲賊匪盧文盛潘
思可等十名送營均係積年矛手有張漢湖阮
學勝夥內者有宋應伏苟文明劉永受夥內者

臣現在委員審訊分別辦理奏入

上命軍機大臣傳諭惠齡曰苟逆竄入南山業經半載額勒登保督飭將弁奮力兜剿迄今尙未殲淨仍復多分股數東突西奔意在牽綴官兵不能兼顧賊固狡獪而兵亦無能實爲可恨額勒登保等屢次摺奏總以苟逆奔竄地方多係深林密箐峭壁懸崖官兵難以深入窮追爲詞茲閱惠齡摺內

稱苟逆分股之賊向東奔逃經過居安寨聯珠砦
被寨勇擊斃五名受傷者十餘人是老林之內儘
有民人結寨居住並非人跡不到之區且苟文明
帶同逆子並男女共有五百餘人在彼輾轉潛匿
若果山徑險仄豈能容此多人况有婦女在內又
安能攀藤附葛而上且賊多至五百餘人每日所
需口食不少該匪既無裹帶又無糧運非向各砦

寨搶掠卽係峒寨民人有暗爲資助之事惠齡係
該省總督自當設法熟籌絕其口食或令官兵改
扮寨民散入各峒寨幫同守禦俟賊匪索糧時誘
令入內突出掩擊若訪係有人接濟則當隨處截
擊嚴行懲創使賊匪無食可掠飢困不支額勒登
保等得以乘其疲敝分兵追捕何難一鼓殲除至
擒獲首逆者無論官弁兵勇照從前勦擒徐添德

高三馬五之例從優陞賞此外各賊日以次遞滅
惠齡務卽曉諭寨民俾共知踴躍上緊擒渠於剿
捕更有裨益如果寨民等將首逆殲擒則寨勇之
功卽惠齡之功朕必優加懋賞昨因額勒登保扎
克塔爾剿辦遲延老師糜餉已將伊二人革職留
任倘惠齡亦復因循延玩任令苟逆久匿南山則
惠齡亦不能辭罪也至楚省蒲樊等逆現經德榜

泰帶兵痛剿難保其不竄入陝境紫陽平利一帶
地方關係緊要如額勒登保已將苟逆辦竣移師
前往惠齡自當仍在南山一帶督率搜捕零匪如
額勒登保剿辦苟逆未能剋日竣事着惠齡卽親
赴平利紫陽督同穆克登布及該處防守將弁兵
勇嚴密堵禦毋任楚省竄匪一名闖入爲要